

## IL LIBRI

**Lûcs comuns  
sul furlan**

VINARS PRIN DI LUI AES 7 SORE  
SERE, CORT DI PALAÇ  
MORPURGO  
PRESENTAZION DAL LIBRI/  
CJALANT IL FRIÛL PINSIRS e  
opinions sui lûcs comuns de  
lenghe furlane par cure di  
Priscilla De Agostini e Silvana  
Schiavi Fachin  
*Insegnâ il furlan tes scuelis a ce  
covential? I fruts no fasino  
confusion cun altris lenghis? No  
saraial plui util insegnâur  
l'inglès? Pardabon il furlan  
standard fasial murî lis  
varietâts? Cetancj bêçs si  
spindino pe tutele de lenghe  
furlane? Insisti su lis lenghis dal  
lûc no isal di provinciâi?*  
Cualchidun dai lûcs comuns de  
lenghe furlane, saltâts fûr in  
agns resints te stampe locâl e  
nazionâl, al devente l'ogjet di  
riflession par cuindis personaçs  
innomenâts leâts al Friûl pe lôr  
storie personâl e professionâl:  
Tullio De Mauro, Nereo Perini,  
Eleanor Callanan, Novella  
Cantarutti, Pierluigi Cappello,  
Adriano Ceschia, Lucija ok,  
Valter Colle, Lorenzo Fabbro,  
Furio Honsell, Xavier Lamuela,  
Domenico Lenarduzzi, Carlo  
Puppo, Sergio Salvi, Leonardo  
Zanier. Daûr dal confront fra  
opinions e sensibilitâts diviersis,  
caraterizadis di une cognossince  
profonde dai problemis e di une  
riflession scrupulose, al salte fûr  
un document che al invade il  
letôr a une analisi interessante e  
a un aprofondiment no dome  
dai singui argoments frontâts  
ma ancje su la necessitât di  
elaborâ e di promovi un  
program educatîf des lenghis  
pardabon inovatîf, bon di  
disvilupâ un plurilinguism efetif  
e eficaç pai citadins di cheste  
zone di frontiere, laboratori  
linguistic privilegjât tal cûr de  
Europe. Te bieles curnîs dal  
zardin di Palaç Morpurgo, vinars  
al prin di Lui aes 7 sore sere,  
Valter Colle, Lorenzo Fabbro,  
Furio Honsell e Carlo Puppo si  
confrontaran sui argoments dal  
libri insieme cu lis curadoris  
Priscilla De Agostini e Silvana  
Schiavi Fachin, moderâts dal  
gjournalist Paolo Cantarutti. Se al  
ves di plovî la presentazion si  
tignarà in Sale Ajace.